

太平寰宇記

第三十三册





太平寰宇記卷之一百三十六

山南西道四

合州

渝州

合州

合州

巴川郡今理石鏡縣

按郡地即巴國別都史記謂秦惠文

王使張儀司馬錯滅巴國以為巴郡今州即巴郡

之地自秦至晉皆同之宋于此置東宕渠郡後魏

大統初其地入魏恭帝三年改東宕渠為墊江郡

改縣為石鏡以涪水北有圖

應作圓

石似鏡因以名

之仍于郡置合州蓋取涪漢二水合于此故為州

稱後周于此復立宕渠郡隋開皇初郡廢而州存  
改合州爲涪州大業初改州爲涪陵郡武德元年  
復爲合州領石鏡漢初赤水三縣又置新明縣長  
安三年置銅梁縣開元末置巴川縣天寶元年改  
合州爲巴川郡乾元元年復爲合州城臨峽江之  
上實控束之地

元領縣六

今五

石鏡 漢初 赤水 銅梁 巴川

一縣廢

新明

入廣安軍

州境

東西一百六十里 南北二百四十里

四至八到

東北至東京三千九百五十里

東北至西京三千五百一十里

東北至長安二千六百五十里

東至渝州二百里水路一百六十里

南至瀘州六百六十二里

西至遂州水路三百八十里陸路三百六十里

北至廣安軍一百二十里

東南至渝州界二百五里

西北至瀘州五百九十里

西北至普州六百六十里

東北至果州二百里

戶

唐開元戶二萬六千八百

皇朝戶主九千六十一客二萬七千一百五十

風俗 同渝州

姓氏

臨海郡四姓 邵 屈 戈 續



人物無

土產

麩金 桃竹筴 牡丹皮 木藥 石膽 雙陸

子 書筒

石鏡縣依舊十鄉本漢墊江縣屬巴郡宋改為宕渠縣後

魏恭帝二年為石鏡縣邑有青石如鏡可照故以

為名 銅梁山在縣南九里左太沖蜀都賦云外

負銅梁於岩渠注云銅梁山名也按其山出鐵及

桃竹杖東西連互二十餘里山嶺之上平整遠望

諸山而此獨秀也 青石山在縣西二百四十里

李膺益州記云昔巴蜀爭界久而不決蜀漢帝八年一朝密霧石爲之裂自上及下劈處直若引繩焉于是州界始判山上有古神祠甚靈華陽國志以爲青石神是也水旱祈請頗靈驗今按山在涪水之南山裂處猶存渠江水在縣北十五里源自萬頃池分來經巴達渠廣安軍等州界至本州東北十里與嘉陵江合

漢初縣

西北一百九十里舊十鄉

本漢墊江縣宋改墊江爲東宕

渠縣梁武大同中于此立新興郡後魏至恭帝三年于今縣西北六十里置清居郡及立清居縣以

地勢爽塏故曰清居以稱邑隋初郡廢改縣爲漢  
初縣屬合州十六年自故郡城移于今理自唐迄  
今不改 武陵邱山一名陵江山在縣西北九十  
七里嘉陵江水縈遶其下又東南流經縣南入石  
鏡縣界

赤水縣

西一百里  
舊六鄉

本漢墊江縣地宋改爲宕渠縣後

魏改爲石鏡縣隋開皇八年析石鏡縣地于今縣  
西置赤水縣以界內有赤水源爲名唐武德元年  
移于今理 朝霧山 赤水在縣界

銅梁縣

南一百五十  
里依舊四鄉

本漢墊江縣地宋改爲宕渠縣

魏為石鏡之地唐長安四年刺史陳靖意以大足

川僑戶輻輳置銅梁縣以銅梁山為名蜀都賦云外負銅梁

於岩梁是也舊理在今縣北四十里奴崙山北列宿堪

上開元三年移就涪江南岸權立十六年遂東南

移于東流溪填上即今理也悅池在今縣西一

十里

巴川縣南二百里舊三鄉本墊江縣地唐開元二十二年刺

史孫希莊奏割石鏡之南銅梁之東地置巴川縣

以地在巴川故為名小安溪源出縣南巴山中

北流經縣理南又東北合侯溪水



渝州

渝州

南平郡今理巴縣

土地所屬與萬州同山海經云西南

有巴國昔太皞生成烏咸烏生乘釐乘釐生後昭

是爲巴人郭注云爲巴之始祖三巴記云閬白二

水東南流曲折三回如巴字故謂三巴武王克殷

封宗姬支庶于巴是爲巴子古者遠國雖大爵不

過子吳楚及巴皆子爵其地東至魚復西連夔道

北接漢中南極牂柯是其界也春秋時亦爲巴國

戰國時巴亦不改及楚主夏盟秦擅西土巴國不

列于盟會矣秦惠文王與巴蜀爲好蜀王弟苴侯

私親于巴巴蜀常相戰爭蜀王伐苴侯苴侯奔巴  
求救于秦秦乃遣張儀司馬錯伐蜀回軍因滅巴  
王以其地置巴郡領縣十一理江州漢因之後漢  
初平中益州牧劉璋分巴郡爲二墊江以上爲巴  
郡理安漢墊江以下爲永寧郡理江州建安六年  
璋改永寧爲巴東郡巴郡爲巴西郡仍以涪陵爲  
涪陵郡二十一年蜀先主又以巴東郡所管朐腮  
魚復二縣置固陵郡理魚復又以巴西郡所管宣  
漢宕渠漢昌三縣置宕渠郡章武元年改固陵爲  
巴東郡而江州巴東郡復爲巴郡于是巴郡分而

爲三號曰三巴後主以巴郡屬益州梁太清四年  
武陵王蕭紀于巴郡置楚州西魏大統十七年改  
楚爲巴州周閔帝元年改巴爲楚仍領巴郡隋開  
皇元年改楚州爲渝州三年罷郡所領縣屬州大  
業三年罷州復爲巴郡唐武德元年置渝州因開  
皇舊名領巴江津涪陵三縣其年以涪陵屬涪州  
三年置萬春縣五年改萬春爲萬壽縣貞觀十三  
年以廢霸州之南平縣來屬天寶元年改爲南平  
郡乾元元年復爲渝州

元領縣五

今四

太平寰宇記卷之四十六  
巴縣 江津 南平 璧山

一縣廢

萬壽

併入江津

州境

東西三百四十里

南北四百二十里

四至八到

東北至東京四千九十里

東北至西京三千六百七十里

東北泝流取金州路至長安二千八百一十里

東至涪州四百六十里水路三百四十里



西至合州二百里

南至南平軍二百六十里

北至渠州四百四十里

東南至涪州六百四十里

西南至瀘州水路七百里

東北至涪州樂溫縣一百二十二里

西北至渠州鄰水縣二百里

戶

唐開元戶六千九百

皇朝戶主三千六百九十二客一萬六千二百五

十

風俗

大凡蜀人風俗一同然邊蠻界鄉村有獠戶卽異也今渝之山谷中有狼狽鄉俗構屋高樹謂之閣闌不解絲竹唯坎銅鼓視木葉以別四時父子同諱夫妻其名祭鬼以祈福也

人物無

土產

藥子 牡丹皮 葛 石膽 桃竹 麩金 按  
茶譜云南平縣狼狽山茶黃黑色渝人重之十月

採貢又段氏蜀記云渝出花竹簞爲時所重

巴縣

依舊十鄉

本漢江州縣地屬巴郡按巴城在岷江之

北漢水之南卽蜀將李嚴所修古巴城也今州所  
理在巴城北故倉城漢水北有一城時人謂之北  
府城後漢巴郡所理尋復還今理州東北二十里  
有石洞峽卽先主置關之所東西約長二里其江  
州卽南齊永明五年自州理移于夔溪口卽今江  
津縣理也又自涪州界陽關移理屬之墊江縣就  
江州所理後周武成三年改墊江爲巴縣蜀初立  
郡于此塗山在縣東南八里岷江南岸高七里

周迴二十里東接石洞峽華陽國志云夏禹娶于  
塗山今江州塗山是也有廟存此華陽國志誤也  
明月峽在縣東北八十里華陽國志云江州縣  
有明月峽卽此李膺益州記云廣陽州東七里水  
南有遮要三槌石石東二里至明月峽峽首南岸  
壁高四十丈其壁有圓孔形若滿月因以爲名

縉雲山在縣西一百三十七里其山高聳林木鬱  
茂下有泉水東西分流傳云黃帝于此合神丹故  
此山得名以紀之 江州縣故城漢縣名廢城在

今縣西北 荔枝園華陽國志江州縣有荔枝園



至熟時士大夫聚會于園食之

江津縣

南一百二十里依舊十鄉

本漢江州縣屬巴郡南齊永明

五年江州縣自郡城移理熨溪口卽今理是也後

周閔帝元年于縣理置七門郡領江州一縣尋改

江州爲江陽縣隋開皇三年罷郡移縣入廢郡理

屬渝州其年改江陽爲江津縣以斯地在江之津

爲名地志云江州縣理有茅埧驛 白君山在縣

北四十里 大江在縣西一里 熨溪水在縣南

十四里西北流入大江 香草樓李膺益州記云

江州縣西南有仙池昔有仙人居此池側置樓多

植香草于此樓下忽一夕縱火天降紫雲飄然而  
去後人尚指此地為香草樓 溱南二州大路按  
四夷縣道記云江津縣在今郡北一百二十里縣  
南陸路三百六十里至溱州又自江津縣路南尋  
熒溪水路二百二十里至南平州即此路

南平縣

東一百三十里依舊三鄉

本漢江州縣地唐貞觀四年分

巴縣置南平州仍于州理立南平縣在今縣南三  
十五里有霸州地是也至八年改南平州為霸州  
縣屬不改十三年廢霸州以南平縣自霸州城移  
于今所屬即永淳已前舊理所也仍屬渝州永淳

二年又東南移六十里于平鄉頓埧權置縣卽今  
縣理 瀛山在縣西南三百七十里 渝弄山在  
縣東北七里 南平溪在縣東南流入涪州賓化  
縣界 諾溪在縣西北入巴縣界 赤水在今縣  
西四里有赤水流入巴縣分界縣南復有通夷播  
州

壁山縣

西南三百里  
依舊一鄉

本漢巴縣江津萬壽三縣地四

面高山中央平田周迴約二百餘里唐天寶中諸  
州逃戶多投此營種川中有一孤山西北二面嶮  
峻東南兩面削平土人號爲重壁山至德二年于

太平寰宇記卷之百三十六  
此立縣因山名焉 廢萬壽縣在州西南三十里  
本漢江州縣地唐武德三年分江津縣置萬春縣  
屬渝州五年改爲萬壽縣皇朝平蜀後廢入江津  
縣南一里

太平寰宇記卷之一百三十六終



太平寰宇記卷之一百三十七

山南西道五

開州

達州

開州

開州

盛山郡今理開江縣

秦漢之代為巴郡胸臆縣地後漢建

安二年分胸臆西北界於今州南二里置漢豐縣

屬固陵郡蜀先主改固陵為巴東郡歷晉宋齊已

來并屬巴東郡後魏初得其地于今達州新寧縣

理立開州領東關三岡開江馬鐙四郡與州同理

後周天和元年又于漢豐縣理置周安郡四年自

東關郡城移開州于今理今州西九十里濁水北  
故州城是也領東安東關三岡開江四郡其周安  
郡領西流一縣其年以東關三岡二郡屬通州五  
年改開江郡爲江會郡建德五年省江會郡入周  
安郡隋開皇三年又罷周安郡乃以萬安永寧二  
縣及廢周安郡之西流新浦二縣共四縣屬開州  
十八年改永寧爲盛山縣大業二年廢開州義寧  
二年於盛山縣置萬州仍割巴東郡之新浦通川  
郡之萬世西流三縣來屬唐武德元年改爲開州  
領四縣貞觀初省西流入盛山天寶元年改爲盛

山郡乾元元年復爲開州

領縣三

開江 萬歲 新浦

州境

東西一百八十八里 南北一百二十二里

四至八到

北至東京二千七百一十里

北至西京二千七百九十里若從江陵水路陸路  
相兼至洛陽二千六百八十里

北取通洋兩州路至長安一千四百三十里

東至夔州雲安縣龍目驛一百九十里從驛路至夔州二百二十里

南至萬州小路一百六十里大路二百里

西至達州三百里

北至達州四百九十里

東北至萬州梁山縣一百五十三里

西北至達州石鼓縣一百二十八里

東北至姚州界二百八里

戶

唐開元戶五千六百六十



皇朝戶主二千六百八十六客七千八百五十九

風俗

巴之風俗皆重田神春則刻木虔祈冬即用牲解  
賽邪巫擊鼓以為淫祀男女皆唱竹枝歌

人物 無

土產

貢車前子 蠟 柑子

開江縣本漢朐忍縣地蜀先主建安二十一年於今  
縣南二里置漢豐縣以漢土豐盛為名至後周武  
帝改漢豐為永寧縣隋開皇中改永寧為盛山縣

唐武德元年移于今理廣德元年又改爲開江縣  
神仙山在縣東清江水東四里古老傳云昔有  
仙人衣朱衣乘白馬登此山本道以聞天寶二載  
勅置壇號神仙宮 盛山在州西北三里山上有  
宿雲亭隱月岫流盃渠琵琶臺繡衣石

萬歲縣

東北四十里元六鄉

亦胸臆之地蜀爲漢豐之地宋武

帝又于此分置巴渠縣屬巴東郡後周天和元年  
分巴東郡置萬安郡改巴渠爲萬歲縣取縣北有  
萬歲谷爲名隋開皇三年罷郡以縣屬開州大業  
二年廢州以縣屬萬安郡唐武德元年郡廢以縣

屬開州二年自今縣北三十里故城移于今所寶  
麻中節度使裴度奏廢之以其地併入開江尋又  
置朝閣山自開達二州界南入當縣石塔山  
自開達二州界南入當縣界與夔州界接山下有  
一泉分爲三道一入夔州一入當州一入達州  
熊耳山在縣東北下入扶城南至夔州界石門  
山在縣東北十里清水源出縣東北石塔山西  
南流經石門山又西南流經巴渠故城東又西南  
流經縣東二里又西南入開江縣界鹽泉在縣  
東二十里平地

新浦縣

西南九十里元四鄉

亦胸臆之地蜀為漢豐縣地宋武

帝永初中分漢豐縣于今縣西北七里置新浦縣

屬巴東郡後魏恭帝三年于縣置開江郡領新浦

一縣周武帝天和五年改開江郡為江會郡建德

五年郡廢以縣屬周安郡隋開皇三年罷郡以縣

屬開州大業二年廢開州改屬信州

即今夔州

七年自

縣西北故城移于今理 鯉城山在縣西四十里

四面懸絕 常渠水一名白浦水西自新寧縣界

流入東流經鯉城山又東經縣理南三里又東流

入開江縣界 墊江水源自縣高粱山東北流于



縣南入常渠水

達州

達州

通川郡今理通川縣

土地與金州同春秋戰國并爲巴子

之國秦并天下爲巴郡漢爲宕渠縣之東境後漢和帝分宕渠置宣漢縣宋武又置屬南宕渠郡蕭齊又屬巴渠郡梁大同二年于宣漢縣置萬州以州界內有地萬餘頃因以數名之領開巴新寧寧巴壽陽巴中五郡後魏廢帝二年開拓山南改宣漢爲石城縣析置新寧縣又于東關縣置并州仍併東關爲宣漢縣其年又以萬州居四達之路改

爲通州周武天和元年通州領郡不改建德五年  
又割開州所領東關三岡二郡來屬州領郡七隋  
開皇三年罷郡廢開巴郡之石城縣廢新寧郡之  
三岡縣廢臨清郡之石鼓縣廢三巴郡之東鄉縣  
并屬通州五年又以廢甘州之宣漢縣來屬大業  
三年罷州爲郡領通川三岡石鼓東鄉宣漢西流  
萬世七縣唐武德元年改爲通州領通川宣漢三  
岡石鼓東鄉五縣以宣漢屬南并州二年置新寧  
思來二縣三年以東鄉屬南石州又爲通州都督  
府領通川三岡石鼓新寧思來五縣八年以廢南

石州之東鄉縣來屬貞觀元年以廢南并州之宣  
漢來屬又省思來入通川其年廢萬州以永穆來  
屬貞觀五年廢都督府天寶元年改爲通川郡乾  
元元年復爲通州皇朝乾德二年改爲達州其州  
枕江右有土居十萬水居三千戶

元領縣九

今七

通川 永穆 石鼓 新寧 巴渠 三岡 東  
鄉

二縣廢

聞英

入石鼓

宣漢

入東鄉

九  
卷之百三十一  
六  
場一

宣漢井場

州境

東西一千四百三十里

南北六百二十里

四至八到

東北至東京三千二百九十里

東北至西京取開州下水經三峽出江陵至襄鄧

汝等州陸路共二千八百九十里

東北取洋州駱谷路至長安一千五百七十里取



利州驛路二千五百里

東至夔房等州界計一千二百八十里

西至渠州界四百里

北至壁州界四百一十里

東南至開州二百七十里

西南至渠州六百里水路二百五十里

東北至金州一千一百里

西北至巴蓬等州界二百里

戶

唐開元戶四萬七百四十二

皇朝戶主二千六百六十客一萬三百三十一

風俗 同開州

人物 無

土產

挺子白膠香 貢 白藥子 蜜 蠟 蜂窠 段

氏蜀記云通開二州產鹽漆之利

通川縣 舊二十四鄉今五鄉 本漢宕渠縣地後漢分宕渠縣于

此置宣漢縣後魏廢帝二年開拓山南改宣漢為

石城縣隋開皇十八年又改為通川縣以地帶四

達故曰通川宋帝立郡于此 鼓嘯山在州東北

一百二十里、東關水東北自石鼓縣界流入經  
縣南一百六十步西南流入三岡縣界 鳳凰山  
在縣西北五里山形象鳳翅掩映州城俗呼爲鳳  
凰山 石城山在縣西五里山四面絕崖西有一  
路上山頂俗謂之石城山

永穆縣

西北七十五里舊十八鄉今七鄉

本漢宕渠縣地後漢爲宣

漢縣地梁大同中分宣漢縣置萬榮郡于此兼立  
永康縣以屬焉卽今縣也後周保定初于此置萬  
州隋開皇二年廢萬州三年又廢郡以永康縣屬  
巴州十八年改永康縣爲永穆縣唐武德二年于

縣理再置萬州貞觀元年州廢以永穆屬通州

龍驤山在縣東南三里 北水自巴州歸仁縣界

流入經縣南一百步流入三岡縣界 七盤山在

縣東三十一里 龍女山在縣東三十里 鼓樓

山在縣西二十里

石鼓縣 東六十里舊四鄉今二鄉 本漢宕渠縣地後漢為宣漢縣

地後魏恭帝三年于此立遷州領臨清一郡尋于

郡置石鼓縣因石鼓山為名隋開皇三年廢州罷

郡并臨清縣亦歸石鼓縣以隸通州唐寶祿元年

廢大中元年再置皇朝乾德五年併闡英縣入



大石在縣東五十里大江次號爲石鼓 龍基山  
在縣南八十里 巴渠江在縣南四十步流入通  
州界 廢閬英縣在州北一百二十里本天寶九  
年太守韋虛受奏于應水南一里置閬英縣以縣  
南五里閬英山爲名 四百山在故縣西北四十  
里

新寧縣

州東一百七十五里舊四鄉今二鄉

在兩漢其地與宣漢縣同

西魏廢帝二年于此置開州領東關郡郡領蛇龍  
新寧二縣後周天和四年移開州于濁水北唐貞  
觀八年自今縣西北十里移魏所置新寧縣于廢

開州城其城俗謂之賓城卽今縣理是也 三角

山在縣東北八十里有南江水源出此山西南流

遶縣理三面復屈曲西北流遶至通川縣東七里

注東關水 鼓嘯山在縣西南六十里 大崩山

在縣南六十里其山高大望見開州新浦縣梁山

軍 東關故郡城在今縣西北五十里 故新寧

城在縣西北十里卽後魏恭帝二年于此立縣隋

開皇三年廢唐武德二年又置後遷于賓城

巴渠縣 州南二百三十里 舊四鄉今三鄉 在兩漢與宣漢縣地同梁

大同中析置以境在巴州宕渠內故爲巴渠縣焉

隋初廢唐永泰元年又析石鼓縣之四鄉地置在東關水北五十步此縣是當夷獠之邊界其民俗聚會則擊鼓踏木牙唱竹枝歌爲樂 文字山在縣西三十里又有文字溪 長秀山在縣北二十里 懸布山在縣東四里 萬戶溪在縣東八十里自開州萬壽縣界北流來合縣漑江水又有成孰溪亦自開州萬壽縣來合文字溪

三岡縣

西南四十里舊九鄉今四鄉

在兩漢與宣漢縣地同梁大

同二年于此置新安郡兼立三岡縣因邑界山有三隴爲名後魏廢帝二年改新安爲新寧郡隋開

皇三年罷郡以縣屬通州唐寶曆元年山南節度  
裴度奏廢後以人戶多廢縣不便大中五年又置

東關水經縣南一百步又西流合北水 三岡

水南自流江縣來北流經縣東十里合東關水

龍壁山在縣東三十里 玉樓山在縣東三十三

里 龍盤山在縣東北二十里

東鄉縣

東北一百七十里  
舊四鄉今十一鄉

在兩漢其地與宣漢縣同

按四夷述云梁于今縣西界置新安縣不詳理所

西魏恭帝二年分新安縣于益遷下蒲兩水間置

石州即今縣是也又于州理置巴渠郡周武天和



四年廢石州及巴渠郡仍于故州城置三巴郡領  
東鄉下蒲二縣隋開皇三年罷郡仍廢下蒲縣入  
東鄉縣以隸通州唐武德三年于此置南石州又  
置下蒲昌樂二縣以屬之八年又廢南石州及昌  
樂下蒲二縣其年仍移東鄉縣治于今縣東安養  
故城皇朝乾德五年割宣漢縣入焉 白作鼻山  
在縣東五里 琵琶山在縣東北二里 鳳凰山  
在縣東北六十里 綾羅山在縣北八十里 益  
遷水在縣東北三十步從金州來流入石鼓縣界  
下符江在縣西南一百步從洋州界入 廢宣

漢縣在州北一百七十里本漢宕渠縣地後漢分爲宣漢縣後魏廢帝二年于今縣東一百五十里梁所置南晉郡西百步置并州仍自州移理宣漢縣于南晉郡北二百里今無遺址按并州領南晉郡郡領東關宣漢二縣理東關周改南晉郡爲和昌郡又省郡之東關入宣漢縣開皇三年罷郡以縣屬并州五年自并州北二百里移宣漢縣理于東關故城是也尋又廢并州以縣屬通州唐武德元年又置南并州及東關縣三年移南并州理新安廢鎮城貞觀元年又省南并州及東關縣仍自

南晉故城移宣漢于新安廢鎮城卽今縣是也皇  
朝乾德五年併入東關縣 建平山在故縣東三  
百里東關水出焉西南流入縣一百五十里下石  
鼓縣界

宣漢井場

在州東一百二十里  
無鄉里管二百戶

地名長腰鹹源出大

江龍骨石窟中湧出灘名羊門兩面山崖峭峻鹽  
源出于山下遂煎成鹽其場風俗男女不耕蠶貨  
賣用雜物代錢祖稱白虎死葬不選墳墓設齋不  
以亡辰雖三年晦朔不饗習性礦硬語無實詞皆  
風土之使然 平波山在場東北四十四里其山

高大

校勘

開州

萬歲縣 總序

後周天和元年分巴東郡置萬安郡改巴渠為萬歲縣取縣北有萬歲谷為名

按舊唐書地理志云開州萬歲縣後周之萬歲隋加世字貞觀二十三年改萬世為萬歲又今開州圖經云周天和六年改巴渠為萬歲縣取縣北萬歲谷為名他與史志



同今記云後周改巴渠爲萬歲誤也萬歲之名更于唐耳

### 達州

#### 永穆縣

按諸書皆作永穆惟今達州圖經及九域志作永睦未詳何時更改

#### 東鄉縣

#### 下符江

按今達州圖經及九域志東鄉縣皆有下蒲江又今記東鄉縣總序亦云于益遷下

蒲兩水閒置石州此云下符江恐誤然因  
之以存疑

太平寰宇記卷之一百三十七終

太平寰宇記卷之一百三十八

西 山南西道六

洋州 渠州 廣安軍

洋州

洋州

洋川郡今理興道縣

土地所屬與渠州同春秋及戰國並

屬楚地秦滅楚置三十六郡此為漢中郡地後漢

封班超于此三國時為蜀之重鎮故先主分城固

立南鄉縣至後主延熙中將軍王平守興勢魏將

曹爽攻之不克乃今郡地晉改南鄉為西鄉後魏

正始中廢西鄉縣仍于今西鄉縣西五十里豐密

成置豐寧郡及豐寧縣仍更立龍亭縣郡屬直州  
廢帝二年于今西鄉縣置洋州以水爲名領洋川  
懷昌洋中豐寧四郡其懷昌郡領懷寧一縣後周  
天和五年省懷昌郡改懷寧爲懷昌縣隋開皇三  
年又罷三郡并省龍亭縣入洋州領豐寧黃金二  
縣大業二年廢洋州仍省懷昌以豐寧黃金二縣  
入漢川郡仍改豐寧爲西鄉移于廢州廩理又于  
州城置洋川鎮唐武德元年復于西鄉立洋州領  
西鄉興勢黃金三縣四年又置洋源縣開元十八  
年又置眞符縣天寶元年改州爲洋川郡十五年



郡自西鄉權移理于興道卽今州理是也乾元元年復爲洋州皇朝爲武定軍節度

元領縣五

今三

興道

西鄉

眞符

二縣廢

洋源

散入鄰近縣

黃金

入眞符縣

州境

東西二百四十里

南北五百九十里

四至八到

東北至東京一千九百一十里

東北至西京一千四百九十里

東北至長安六百四十里

東至金州五百里

西至興元府二百二十里

南至壁州山路五百四十里

北至整屋縣五百里

東至眞符縣界一十九里

西至興元府城固縣界三十三里

南至西鄉縣界四十里

北至眞符縣界三十五里

東南至西鄉縣界四十八里

西南至興元府城固縣界一百里

戶

唐開元戶一萬三千八百四十九

皇朝戶主七千四百四十一客三千六百九十九

風俗

同梁州

人物

無

土產

熊羆狐狸皮

麝香

今貢

隔織

興道縣

舊二十一鄉今十七鄉

本漢城固縣地後魏宣武正始

中分城固縣地于今理西九十二里興勢山置興  
勢縣兼立儻城郡因山爲名按地志云晉于今西  
泉縣置晉郡魏後移于今縣置晉昌郡因晉舊名  
也廢帝三年改爲儻城郡隋開皇三年罷郡大業  
二年縣自山上移居廢郡廨理唐貞觀二十三年  
改爲興道縣先是移郡理就西鄉縣此爲屬邑後  
以險固貞元初又移郡于此 興勢山在縣西北  
四十三里今郡城所枕自然隴勢形如一盆緣外  
險而內有大谷爲盤道上數里方及四門因爲興  
勢之名 明月池在縣西北其地屬明月鄉中有



一臺是漢高祖所造水經注云形如偃月故名明月池 七女池漢中記云興道有七女池昔有人無男養七女父亡女負土各爲一冢不知定葬何冢其冢羅列如七星各高七丈取土處今成一池號爲七女池 漢水在縣南二百步屈曲行三百七十里流入金州漢陰縣界 儻谷水一名駱谷水在縣北三十里南注漢水 龍亭故城漢爲縣廢城在今縣東又梁州記云龍亭縣屬儻城郡

西鄉縣

東南一百里舊一十四鄉今四鄉

本漢成固縣地後漢班超

受封之所蜀先主分成固之地立南鄉縣屬漢中

郡至晉太康二年改南鄉爲西鄉卽今縣南十五里平陽故城也後魏置洋州及豐寧郡豐寧縣隋開皇三年罷郡大業三年廢洋州改豐寧縣爲西鄉縣移于廢州理卽今縣也貞觀二十三年移郡理輿道此爲屬邑 白廟山山有老子廟 駱谷水水經注云駱谷水出北谷南流入漢亦入蜀徑路 唐公房神仙傳云唐公房昔事李八百公房患無酒八百因以杖指崖酒泉湧出故後人敬之立祠甚靈號曰唐公房 洋水出廢洋川縣東巴嶺又水經注云源出巴山經縣東八里北流入黃

金縣界郡因此水稱名 平西城後漢書云班超

平定西域有功封定遠侯凡三十年告老方歸故

城今在縣南晉置西鄉縣于此城 清涼川在縣

北唐書德宗皇帝以朱泚之難幸梁洋中書舍人

齊映從駕至此川見旌旗蔽野上心駭謂泚之追

兵截路至此見梁帥嚴震具軍容拜馬前敕君臣

離亂流涕久之上喜令震登馬與朕作主人映叱

嚴震與至尊導馬御膳自有所司頃之上次洋州

行宮召映責以儒生不達機權煙塵時務姑息主

帥映奏曰山南士庶只知有嚴震不知有陛下且

今天威親臨令蜀士民知天子之尊亦足以盡嚴  
震爲臣子之節上歎久之震聞特拜謝映時議多  
之卽此川也 廢洋源縣在州東南一百二十里  
本漢成固縣地屬漢中郡唐武德七年析西鄉縣  
東南一百八十里地以置因縣北洋水爲名大厯  
元年爲狂賊燒劫遂北移于西鄉縣南二十里白  
湍村權置行縣卽今縣理是寶厯元年山南西道  
節度使裴度奏準今年二月勅洋源縣爲鄉以其  
里地隸諸鄰近邑 洋水在今縣西南三百步

眞符縣

北六十里舊五鄉今四鄉

本漢安陽縣地唐開元十八年



梁州長史韋敬祖奏于此置華陽縣取古華陽之地爲名天寶三年廢八年王鉷開清水谷路復于黎園置華陽縣其年因鑿山路得玉冊遂改爲眞符縣仍隸京兆府北去府四百餘里至十一年又隸洋州其年以縣去州偏遠移縣就桑平店北去盤屋四百四十里 廢黃金縣在州東北一百三十里本漢安陽縣地屬漢中郡後魏大統十二年分置黃金縣因縣界有黃金水爲名屬直州廢帝二年分直州置洋川郡以縣屬焉隋開皇二年廢郡以縣屬洋州大業二年廢洋州又以縣屬漢川

郡十一年移於縣治北六十里巴嶺鎮貞觀二年  
又移于今縣所理廣德後因羌賊叛亂權移于犇  
湍置行縣在漢江北南至西鄉縣六十里元和以  
後方移就今理皇朝乾德四年併入真符縣仍移  
縣就廢黃金縣卽今理也 寒泉在舊縣北八十  
四里 漢水在舊縣北二百步 洋水出縣東巴  
嶺水經注云道源巴山東北流入漢 黃金水在  
縣西四十里南注漢水 黃金戍按梁州記云戍  
水陸艱險在縣西北八十里卽張魯所築南接漢  
川北枕古道俗號爲鐵城是也 古道春秋繁露

云三皇抵車出谷口卽今斜谷是也又郡國志云  
北曰斜南曰褒同一谷故曰褒斜

### 渠州

渠州

鄰山郡今理流江縣

禹貢梁州之域春秋時巴國秦惠文

王遣張儀司馬錯伐巴蜀滅之因置巴郡漢初置  
宕渠縣屬巴郡今卽流江縣東北七十里宕渠故  
城是也其城後漢車騎將軍馮緄增修俗名車騎  
城東晉末爲蠻獠所侵因而荒廢漢志符特山在  
宕渠縣西南今縣則有龍驤山蓋古符特山也後  
漢建安二十三年蜀先主分巴郡置宕渠縣尋省

後主延熙中又置尋又省晉惠帝又置李壽亂後地為諸獠所侵郡縣悉廢宋又自漢宕渠縣移郡理安漢故城梁初又省普通三年又于漢宕渠縣西南七十里置北宕渠郡即今州理是也大同三年於郡理置渠州後魏文帝十三年其地內屬仍舊為渠州領北宕渠郡至後周武成元年改北宕渠郡為流江郡理流江縣隋開皇三年罷郡所領屬渠州大業三年罷州復為宕渠郡唐武德元年復置渠州領流江寶城宕渠咸安鄰水墊江六縣其年改寶城為始安又分置寶城義興豐樂三縣



以宕渠咸安二縣屬蓬州又分鄰水墊江鄰山鹽泉四縣置鄰州三年割鄰水來屬八年省義興豐樂賓城三縣其年廢鄰州以鄰山來屬天寶元年改爲鄰山郡乾元元年復爲渠州皇朝乾德六年割渠江縣屬廣安軍

元領縣五

今四

流江 鄰水 鄰山 大竹

一縣割出

渠江

入廣安軍

州境

太平寰宇記 卷之百三十六  
東西一百四十五里 南北二百六十六里

四至八到

東北至東京三千五百二十里

東北至西京三千一百里

東北至長安二千六百里

東至涪州四百五十里

南至合州新明縣界一百七十里

西至果州二百八十里

北至達州六百里

東南至涪州二百七十里

西南至果州岳池縣界一百一十九里

西北至蓬州官路二百二十里私路一百九十里

西北至合州水路約四百里

東北至蓬州水路二百五十里

戶

唐開元戶九千

皇朝戶主四千三十六客一萬七千七百五十九

風俗

同達州

人物

元賀

字文和宕渠人爲大司農

馮緄

爲廷尉

土產

黃連 車前子 恆山 茱萸 鐵

流江縣

舊十四鄉今九鄉三團

本漢宕渠地梁武帝于此置北

宕渠郡周明帝改爲流江郡仍于郡理置流江縣  
卽今縣是也開皇三年郡廢屬渠州 宕渠山一

名大青山在縣東五十八里蜀都賦曰外負銅梁

於宕渠 宕渠水一名渝水在縣東二里 故竇

國城在縣東北七十四里古之竇國都也晉中興

書云竇者廩君之苗裔也巴氏之子務相乘土船

而浮眾異之立爲廩君子孫布列于巴中秦并天



下以爲黔中郡薄其賦稅人出錢四十邑人謂賦  
爲賚遂因名後佐高祖平定天下善歌舞所謂巴  
渝舞也 漢宕渠縣城在今縣東北俗號爲車騎  
城

鄰水縣

東南一百三十里元二鄉

亦漢宕渠縣地梁武大同三年

置鄰水縣屬鄰山郡因彼州水以名之寄理州城  
隋開皇元年自州城移于岳池溪今縣北九里故  
城是也三年罷郡以縣屬渠州唐武德元年改屬  
鄰州二年復屬渠州其年自故城縣移于今理寶  
麻中山南西道節度使裴度奏廢之大中初又改

置焉 鄰山在縣北八十里 鄰水源出縣東北

鄰山南流經東去縣二十六里又南流中有大磧

懸流十丈奔急若驚湍電瀉 絲經池在縣東南

八十里

鄰山縣 東南一百里舊二鄉今五鄉 亦漢宕渠縣地自晉至齊地

並為夷獠所據梁大同三年于此置鄰州及鄰山

縣後魏廢帝改為鄰山郡以山名之至隋初郡廢

併縣入鄰水唐武德元年分置鄰山縣屬鄰州八

年廢州縣屬渠州縣城南西北三面有池圍繞東

阻涅水甚險固俗號為金城 鄰山在縣西四十

里此山重疊鄰比相次爲名南盡縣界東入鄰水  
縣界北入達州三岡縣界此山出鐵 涅水在縣  
東二十步自忠州清水縣界入當縣

大竹縣

北六十里舊六鄉今五鄉

亦漢宕渠縣地後爲流江縣地

唐久視元年分今宕渠縣東界置屬蓬州以邑界  
多產大竹爲名至德二年割屬渠州寶祿中與鄰  
水縣同廢其後又置按通典此邑舊隸蓬州今屬  
渠州 龍蘭山在縣北二十里 露水在縣東北  
十五里 貴溪水在縣東北十五里

廣安軍

廣安軍

領渠江縣

本合州濃洞鎮渠州新明鎮地國朝乾

德六年以合果渠三州相去路遠山川險僻多聚  
寇攘遂合二鎮置廣安軍仍割渠州之渠江合州  
之新明果州之岳池三縣以成之從西川轉運使  
劉仁燧之所請也

領縣三

渠江

新明

岳池

軍境

東西二百四十里

南北二百二十里

四至八到



東北至東京三千八百里

東北至西京三千四百里

正北至長安二千里

東至梁山軍五百里

西至果州二百里

南至渝州三百里

北至渠州一百八十里

東北至忠州三百五十里

西南至合州二百里

東北至達州三百五十里

西北至蓬州三百五十里

戶

舊戶載合果渠三州籍

皇朝戶主六千二百五十三客一萬五千四百六

十三

風俗

與果合渠三州同

土產

絲布 紬 綿 牡丹皮

渠江縣 舊三鄉 本漢宕渠縣地後漢又為賈城縣地

今縣北十二里有古廢寶城在焉一名始安城梁  
普通三年于此置始安縣取古始安城爲名屬北  
宕渠郡隋開皇三年罷郡以縣屬渠州十八年改  
爲寶城縣大業元年自故城移于今理南臨渠水  
東枕大溪唐武德元年復改爲始安縣至德二年  
又改爲渠江縣國朝乾德六年割屬廣安軍 渠  
江水一名渝水在縣南八十步西流入合州新明  
縣界 富靈山在縣東南七十里峭峻多藥物實  
靈仙所居也

新明縣

西六十里舊六鄉今十六鄉

本漢墊江縣地東爲宕渠之

地後魏改爲石鏡縣地唐武德二年分石鏡之東  
北界於渠水中索鉞洲上爲新明縣以新被明化  
爲邑之稱聖祿三年刺史張柬之以舊縣多水害  
奏移于嘉陵江西岸北連靈巖山卽今縣理是也  
國朝乾德六年割隸廣安軍 蛇龍山在縣東六  
十里 白鶴山在縣西南一百里 嘉陵山在縣  
西南一百里 渠江在縣東三十里

岳池縣 西北一百二十里元十二鄉 亦南充之地宋武帝于此立

南宕渠郡尋廢郡立岳池縣以境內岳池水爲名

岳安山在縣東三十五里高六百丈岳池之水



出焉上有音聲鳥 獅子山在縣東五里山形如  
獅子 蒙溪水在縣西北五十里源出岳安山東  
流至故縣鎮西本是思岳池因此以名縣焉

太平寰宇記卷之一百三十八終



太平寰宇記卷之一百三十九

山南西道七

巴州

蓬州

巴州

巴州

清化郡今理化城縣

古巴國地所屬與蓬州同在漢即巴

郡宕渠縣地後漢分宕渠北界置漢昌縣即今州

理也按四夷縣道記云至李特孫壽時有羣獠十

餘萬從南越入蜀漢閒散居山谷因流布在此地

後遂為獠所據歷代羈縻不置郡縣至宋乃于巴

嶺南置歸化北水二郡以領獠戶歸化郡即今理

是也齊因之梁置歸化木門二郡後魏正始元年  
梁州刺史夏侯道遷以其地內屬于是分其地于  
漢昌縣理所置大谷郡帶防兵以鎮撫之延昌三  
年于大谷郡北置巴州蓋取古巴國以爲名隋大  
業三年改巴州爲清化郡唐武德元年改爲巴州  
領化城曾口清化盤道永穆歸仁始寧其章安固  
伏虞恩陽白石符陽長池十四縣其年以符陽長  
池白石屬集州以安固伏虞屬蓬州清化屬靜州  
二年割歸仁永穆置萬州貞觀元年廢萬州以歸  
仁來屬天寶元年改爲清化郡乾元元年復爲巴



州

元領縣九

今六

化城

恩陽

曾口

其章

清化

七盤

三縣廢

歸仁

併入曾口

始寧

全上

盤道

併入清化

州境

東西一百二十里

南北一百四十里

四至八到

東北至東京三千六十四里

東北至西京二千八十里

大平寰宇記 卷之百三十九 二  
東北取巴嶺路至長安一千二百二十里

東至壁州九十里

西至閬州二百一十里

南至蓬州一百六十里

北至集州一百三十七里

東南至達州三百七十里

西南至蓬州二百一十里

東北至壁州界五十五里

西北至集州一百八十里

戶

唐開元戶三萬二百一十八

皇朝戶主一千九十三客七千六百五十九

風俗

同峽州

人物

無

土產

紬 綿

白藥

巴戟天

茶

按廣雅云荆巴間採茶作餅成以來

膏出之欲煮餅先炙令色赤搗末置瓷器中以湯澆覆之用慈薑芼之即茶始說也又段氏蜀記云

巴州以竹根為酒注子器為時珍貴也

化城縣

舊十九鄉今九鄉

本漢宕渠縣地後漢分置漢昌縣

屬宕渠郡梁普通六年于梁大溪西三里置梁大

縣屬大谷郡按後周地圖記云大象二年改梁大縣為化城縣以縣南三里化城山為名 龍腹山

胡鼻山 黃牛山以上三山皆在郡界 虎牙

山郭璞江賦虎牙巖豎以屹峯其山臨江高踰萬

仞 白馬穴九州要記云即黃牛山有穴昔有白

馬奔出故名 北水一名巴嶺水一名渝川水一

名宕渠水西北自集州難江界流入南水經注云

北水又東與難江水合 靈壽溪 姜詩泉二水

皆在郡界

恩陽縣 西北四十一里 舊七鄉今五鄉 本漢閬中縣地梁普通六年



分閭中置義陽郡又于郡置義陽縣因界內山爲  
名屬巴州後魏以郡屬江州恭帝改江州爲方州  
後周天和二年廢方州以郡屬巴州隋開皇三年  
罷郡十八年改義陽縣爲恩陽縣 義陽岳山在  
縣南一里 清水北自清化縣界來至縣西北又  
屈曲而東流經縣北八十步又東流入化城縣界  
曾口縣東南四十里元四鄉本漢宕渠縣地宋末于此置歸化  
郡以撫獠戶梁普通六年于郡理置曾口縣以曾  
口谷爲邑名後魏因而不改隋開皇三年廢郡以  
曾口屬巴州 北水自化城縣界入東南流經縣

理西又東南經縣理南又東入歸仁縣界 廢歸  
仁縣在縣東八十里本漢宕渠縣地梁普通六年  
于此置平州縣屬遂寧郡因縣界平州水爲名後  
魏不改隋開皇三年罷郡以縣屬巴州九年改平  
州縣爲歸仁縣皇朝乾德四年併入曾口 木蘭  
山在縣西二十五里 北水西北自曾口縣界來  
東南流經縣南一里又東南流入永穆縣界 平  
州水東北自廣納縣界來南流經縣東五里又南  
合北水

其章縣

東三十里舊七鄉今四鄉

本漢葭萌縣地梁武帝普通六

年于此置哀戎郡以界內哀戎水爲名又置其章  
縣以縣東八里其章山爲名按其章山一名隆城  
山隋開皇三年罷郡以縣屬巴州唐寶曆七年又  
廢尋又置 滄溪源出縣東北三十五里平地東  
南流與思賴水合又東南入始寧縣 廢始寧縣  
在縣東南十五里本漢宕渠縣地梁普通六年于  
此置遂寧郡又於郡理置始寧縣因山爲名隋開  
皇三年罷郡以縣屬巴州唐貞觀八年移于今理  
皇朝乾德四年併入其章縣 始寧山在縣東北  
七里 滄溪水西北自其章縣界來南流經故縣

東南又東南流經縣北三里又東南經始靈山東

南與思賴水合

清化縣 東北六十里舊三鄉今六鄉 本漢葭萌縣地梁普通六年

於今縣北二十里置木門郡又於郡置伏強縣並

因山為名隋開皇中罷郡以縣屬巴州七年改伏

強縣為清化縣唐武德元年于此置靜州六年移

州就理地平縣貞觀元年清化縣自木門城移于

今理 木強山在縣北一百步 清水北自地平

縣來南流經木門城東又南經縣理 東遊水東

北自地平縣來西南流經木門山又西南合清水



廢盤道縣在縣東四十里本漢宕渠縣地宋末  
於今縣西南十里置北水郡梁普通六年於北水  
郡置難江縣因難江水爲名梁末其地內屬後魏  
恭帝三年改難江縣爲盤道縣因龍腹山道路盤  
曲爲名隋開皇三年罷郡以縣屬巴州唐貞觀十  
一年自故城移縣于今理寶曆四年又廢之以其  
地併入恩陽縣長慶中復置國朝乾德四年併入  
清化縣 龍腹山在縣西九里 北水西北自難  
江縣界入難江水北自難江縣來至縣北方合北  
水

七盤縣西北一百二十里元四鄉唐久視元年於七盤山東南立

因山為名

蓬州

蓬州咸安郡今理蓬池縣禹貢梁州之域古巴國之地土地所

屬與蓬州同漢為宕渠縣即益州巴郡地晉又為

巴西郡地宋末屬歸化郡梁大同元年于此置伏

虞郡又北置安固縣以屬巴州尋入後周故周地

圖記云天和四年割巴州之伏虞郡隆州之隆城

郡于此置蓬州因蓬山以為名隋初郡廢大業中

州廢唐武德元年割巴州之安固伏虞隆州之儀

隴大寅渠州之宕渠咸安等六縣置蓬州因周舊  
名三年以儀隴屬方州尋復來屬天寶元年改爲  
咸安郡至德二年改爲蓬山郡乾元元年復爲蓬  
州

元領縣七 今六

蓬池 良山 儀隴 伏虞 蓬山 朗池

一縣廢

宕渠

入良山

州境

東西一百五十里 南北一百八十七里

四至八到里

東北至東京二千二百里

東北至西京二千二百九十里

東北取巴嶺路至長安一千四百四十里取閬州

路一千七百六十里

東至達州四百四十里

南至渠州一百九十里

西至閬州二百里

北至巴州二百一十里

東南至開州六百八十里



西南至果州二百八十里

正東微南至達州三百二十里

西北至渠州官路二百一十里

東北至璧州三百六十里

西北至利州五百五十里

戶

唐開元戶一萬五千五百七十六

皇朝戶主六千一百四十四客一萬六千五十六

風俗

雜以獠戶

太平寰宇記卷之四十九  
人物無

土產

山高水險不生藥物

蓬池縣

元六鄉

本漢閩中縣地梁天監元年分閩中之

地置大寅縣取邑西大寅山爲名屬蓬州隋大業

三年廢蓬州縣屬巴西郡唐武德元年復屬蓬州

廣德元年改曰蓬池取蓬水以爲名 龍章山在

縣東南三里四時常有花發 驗江水一名流江

水西來自儀隴縣界東流經縣理北又東南流入

良山縣 東華山在縣東三十五里 扶六水自

儀隴縣西北流入有六澗水相扶合流因此爲名  
聖水出縣東北二十里龍蛟山土人浴蠶卽倍  
有獲 火井在縣西南三十里水涸之時以火投  
其中焰從地中出可以禦寒移時方滅若掘深一  
二丈頗有水出

良山縣

東七十二里元二鄉

本漢宕渠縣地梁大同元年分宕

渠之地以置安固縣取安靜永固爲名屬伏虞郡  
隋開皇三年罷郡以縣屬蓬州大業初州廢以其  
地併入宕渠唐武德元年于縣理置蓬州開元二  
十九年自此移理蓬池縣改安固縣爲良山縣元

和中又廢大中年又置皇朝乾德三年併宕渠縣入焉 大蓬山在縣東南三十里與小蓬山相去

二里 綏山按列仙傳云葛由者蜀之羌人周成

王時刻木爲羊賣之一日乘木羊入蜀蜀之王侯

賓之追上綏山山在安固縣東三十里隨之者皆

得仙術 洧水北自伏虞縣流入經縣東二里東

南入宕渠縣 流江水在縣西南二十一里 廢

宕渠縣在州東一百里本漢舊縣屬巴郡梁太清

元年於此置景陽郡及宕渠縣因縣界山爲名隋

初郡廢而縣存割隸蓬州按縣城置在長樂山上



唐寶曆七年又併入蓬山縣大中年又置 居崇  
山在縣西一里 消水北自縣界南流經縣西一  
十里又西南流入蓬山縣界

儀隴縣

西北六十里元六鄉

本漢閬中縣地梁天監元年于此

置隆城郡因隆城山爲名及儀隴縣隋開皇三年  
郡廢以縣屬蓬州唐武德三年割屬方州八年廢  
方州復屬蓬州縣城元在金城山頂四望懸絕石  
壁高八十丈周迴五里惟西南稍通人馬開元二  
十六年移于山下平溪卽今理也大厯初以廟諱  
改爲儀隴縣 儀隴山在縣西三十里山頂有石

銘儀隴二字俗謂之赤葛山流江之水出焉 金

城山在縣北上平下聳 龍望山在縣東十里其

山有神祠號龍望神 鼈水在縣西北三十里出

鼈

伏虞縣

東北六十里元四鄉

本漢宕渠縣地梁大同中于今縣

東三十里分置宣漢縣屬義安郡隋開皇三年廢

郡以縣屬蓬州至十八年改宣漢爲伏虞縣以界

內伏虞山爲名大業三年廢州屬清化郡唐武德

元年復屬蓬州移理于山頂上開元末百姓請去

險就平遂西南移于消水側置縣今縣是也 靈

星山在縣南七里高千餘尺洧水源出此山北東南流入良山縣界 宣漢水源出今縣東四十里頂山東流經舊縣南七里又東流入良山縣界

蓬山縣

東南九十里元五鄉

本漢宕渠縣地梁大同中于此置

綏安縣屬景陽郡隋開皇三年罷郡以縣屬蓬州十八年改爲咸安縣唐至德二年改爲蓬山縣以

縣界內山爲名 景陽山在縣東南十六里 流

江水西自蓬池縣界來南流經縣南一百步又東流入渠州流江縣界 洧水自縣東十五里南流注流江縣水 菩薩山在縣東三十里 三角山

在縣南三十里山形有三角 石雞翁山在縣西

南六十里有石如雞又果州有石如雞母二山相

對去五里

朗池縣

南三十五里元六鄉

本漢宕渠縣地梁大同中于此置

縣唐武德四年劍南道大使寶軌割果州相如縣

地置以臨古朗池爲名寶應元年租庸使徐演奏

自果州割屬蓬州大厯五年遭狂賊焚燒自後權

置行縣未立城壁貞元元年移于營山歇馬館爲

理卽今縣是也 營山在縣西南一里 披衣山

在縣西南六十里天將雨山上雲霧馳曳如披衣



馬山上有雲山寺寺中有池去果州嘉陵江三十里江水或淺其池亦淺江水或漲其池亦漲號天生池其山又有清溪之水出焉 銅鼓山在縣西南連閬州新政縣 嘉陵江在縣西七十五里

太平寰宇記卷之一百三十九終

大正集卷之三十一

大正集卷之三十一

大正集卷之三十一

大正集卷之三十一

大正集卷之三十一

大正集卷之三十一

大正集卷之三十一

大正集卷之三十一

大正集卷之三十一

大正集卷之三十一

太平寰宇記卷之一百四十

山南西道八

集州

集州

集州

符陽郡今理難江縣

土地所屬與達州同今州即漢巴郡

宕渠縣地晉巴西郡永寧中李特王蜀其地屬焉

後魏景明中于巴嶺南置洋川其章平素三郡大

統中山南覆沒梁武帝大同中又于巴嶺側立安

寧敬水平南三郡仍立東巴州以領三郡州理在

木馬按木馬地名在今洋州界無復遺址後魏恭

太平寰宇記卷之百四十一  
帝二年改東巴州爲集州以東北集川水爲名人  
戶寡少寄理梁州後周天和五年移集州于巴嶺  
南卽今州理領平桑其章安寧敬水平南五郡隋  
開皇三年罷所領郡立集州領難江曲細符陽白  
石四縣大業三年廢集州以難江屬漢川郡以長  
池舊名曲細符陽白石三縣屬巴州仍于廢集州城置  
公山鎮唐武德元年廢鎮復于難江縣置集州仍  
割巴州之符陽長池白石三縣來屬又置平桑縣  
凡領五縣八年以符陽白石屬壁州貞觀元年廢  
平桑縣二年又置六年又省平桑長池二縣八年



復割壁州之符陽來屬十七年又割廢靜州之地  
平縣來屬天寶元年改爲符陽郡乾元元年復爲  
集州

元領縣四

今二

難江 嘉川

二縣廢

大牟

併入  
難江

通平

併入  
嘉川

州境

東西一百九十一里 南北一百九十六里

四至八到

大平寰宇記 卷之百四十一  
東北至東京約二千八百里

東北至西京一千九百里取地平縣至利州驛路  
二千六百里

東北取巴嶺路至長安一千四百里

東至壁州取符陽縣路二百七十里

正南微西至巴州一百八十里

西至利州三百里

北至興元府二百七十里

東南至壁州五百里

西南至巴州一百八十里

西北至利州界二百五十里

東北至洋州四百里

戶

唐開元戶四千三百五十三

皇朝戶主二千七百一十三客三千二百三十九

風俗 同梁州

人物 無

土產

小絹 藥子 蜜 蠟

難江縣

舊七鄉今九鄉

本漢宕渠縣地周天和五年于此置

難江縣因江水難涉故以難江爲名隋大業中屬漢川郡唐武德元年于縣理置集州 小巴嶺在縣東北一百三十里周地圖云此山之南卽古之巴國其嶺上多雲霧盛夏猶有積雪又有北水源出此山 難江水源出縣東小巴嶺南流經縣東二十里入盤道縣界故水經注云難水出小巴山平桑水源出縣西三十五里 方石城本因流離人聚居謂之流離城也 廢大牟縣在州西南一百一十里本漢葭萌縣地隋有清化縣地唐武德元年分清化縣西界置大牟縣取縣東三里大



牟山以爲名屬靜州貞觀十七年割屬巴州永泰元年割屬集州縣在巴州北六十里皇朝乾德五年併入難江縣思遠山在縣西北三十里有曾溪水源出此山東北流注與峻水合

嘉川縣

西一百二十里元三鄉

本漢葭萌縣地宋武帝于此置

宋熙郡及興樂縣後入于魏至恭帝元年改興樂爲嘉川縣取嘉陵江所經爲名隋開皇三年罷郡以縣屬利州唐貞觀二年改屬靜州十七年復屬利州永泰元年割屬集州每母山一名大胡山在縣西四里東遊水一名宋熙水自三泉縣界

西南流又合西遊水又屈曲東南流經縣東一百一十步又西南流入義清縣界 胡度水一名隋水西自利州綿谷縣界流入東流與宋熙水合

廢通平縣在州西一百一十五里梁大通六年于此置池川縣屬木門郡隋開皇三年省池川縣入伏強七年改伏強爲清化縣唐武德元年分清化西北界置狄平縣屬靜州二年改爲地平縣取天成地平之義七年以靜州自木門故城移理于此貞觀十七年廢靜州以縣屬集州永泰元年改爲通平縣皇朝乾德五年併入嘉川縣 龍腹山在

縣東一里 高城戍在縣東二十六里又有清水  
北自難江縣界流經高城戍又南入清化縣界

### 壁州

壁州

始寧郡今  
理通江縣

禹貢梁州之域歷代土地所屬與巴

州同本漢宕渠縣地後魏大統中于今州理置諾  
水縣屬遂寧郡隋開皇三年省諾水縣入始寧縣  
大業三年以始寧縣屬巴州唐武德八年分始寧  
縣之東境于後魏諾水城再置諾水縣仍于縣理  
立壁州以縣西一里壁山爲名又割集州之白石  
符陽二縣來屬貞觀元年廢萬州割廣納縣來屬

八年復以符陽入集州天寶元年改爲始寧郡乾

元元年復爲壁州

元領縣五

今三

通江 白石 符陽

二縣廢

廣納

東巴

并併入通江

州境

東西二百六十里

南北三百八十里

四至八到

東北至東京三千四百里



東北至西京三千里

北取洋州路至長安二千里

北至洋州興道縣五百四十里

西至巴州一百五十里

南取廣納路至巴州歸仁縣一百七十八里

東至所管東巴縣二百三十里縣東與通州東鄉  
縣接界

東南至通州三百七十里

戶

唐開元戶一萬二千三百六十八

皇朝戶主七百二十九客二千一百三十七

風俗

同蓬州

人物

無

土產

麻布

絲布

綿

紬

蜜

馬鞭

貢段氏蜀記云壁州進貢

鞭諸道不及

通江縣

舊十六鄉今六鄉

本漢宕渠縣地後漢分置宣漢縣

梁武帝分宣漢置始寧縣後魏分始寧置諾水縣

因縣南諾水為名唐武德七年省八年再置縣並

州于此天寶元年以邑枕巴江故為通江縣哥

籟山在縣東七十里上有城甚險峻 巴字水巴  
江有二水並流自漢中至城下入武陵曲折如巴  
字故曰巴江今峽中謂之巴峽卽此水也 牛頭  
山四絕爲眾山之望 廢廣納縣在州南五十里  
舊二鄉亦漢宕渠縣地復爲始寧歸仁二縣地唐  
武德二年析二縣之地置廣納縣以縣界廣納溪  
爲名寶曆元年九月山南西道節度使裴度奏廢  
縣爲鄉並入白石諾水二縣大中初復置皇朝乾  
德四年併入通江 平州水北自通江縣界來南  
流經縣理西與廣納溪水合 廢東巴縣在州東

太平寰宇記 卷之百四十一  
一百四十里二鄉本漢宕渠地唐開元二十三年  
壁州三縣耆老狀論太平曲水王福村界東南連  
通州卽爲浮遊所集州縣不便理請置邑就以撫  
之由是勅許置太平縣因取彼太平川以爲名天  
寶十年改爲東巴縣以處巴江之東爲名皇朝乾  
德四年併入通江

白石縣

東北一百  
里元四鄉

亦宕渠縣地後魏廢帝于今縣西

南十五里立白石縣因界內白石川爲名屬其章  
郡隋開皇三年廢郡以縣屬集州大業三年廢集  
州以縣屬巴州唐武德七年自魏所置縣移于今



縣東南一里屬渠州八年改爲壁州證聖元年又  
移于今理縣城南枕大溪北臨小澗 青水一名

白石水東北自洋源縣界流入西南流與諾水合

符陽縣

北七十里舊八鄉今六鄉

本漢縣屬巴郡晉宋廢爲宣漢

縣地後魏正始中置其章郡領符陽縣亦無人戶

寄理渠州後周天和五年開拓此地移其章郡及

縣理于此隋開皇三年罷郡以縣屬集州大業三

年廢集州以縣屬巴州唐武德元年又置集州縣

依舊屬焉 思公山在縣北二百里其山最峻思

公水源出此山南流經縣理西又南入通江縣界

太平寰宇記 卷之百四十一  
又有思公城 符水源出縣東南三百步西流經  
縣南九十步又西流入思公水

太平寰宇記卷之一百四十終